



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. 3. An, & qualiter testis, ad hoc, ut probat reddere teneatur rationem
suæ scientiæ?

[urn:nbn:de:hbz:466:1-73001](#)

præsto fuerint solutioni celebratae, bique cum sacramentali religione deposuerint sub præsentia sua debitum esse solutum; & hoc procedit non tantum in causis civilibus, sed multo magis in criminalibus; sic Fatinacius in tract. de testib. q. 74. n. 46.

^{1612.} Altera quæstio est, de qua re præstandum sit hoc juramentum testium? Resp. præstandum esse super dicenda veritate, quam sciunt, in omnibus, de quibus interrogabuntur, & quidem pro utraque parte litigante, ut tradit gloss. in c. Fraternitatis, cit. c. Hortamur, cit. V. noverunt; & in cit. L. jurisjurandi, V. eod. quod intellige in omnibus, quæ faciunt ad informationem Judicis pro causa, pro qua producuntur, consequenter non de certis tantum articulis, sed super his, & totâ causâ; si enim secus v. g. deponerent in articulis non connexis, essent testes non jurati; 2. quòd nec pretio, nec amore, vel odio, nec timore incommodi, vel spe ullius commodi testimonium dicent, ut observat gloss. in cit. c. Fraternitatis. 3. quòd depositiones suas, ante earum publicationem, nemini revelabunt, c. si testes, 3. §. qui falso, 4. q. 2. & 3. ibi: qui falso, vel varie testimonia dixerunt, vel utriusque parti prodiderunt, à Judicibus competenter puniantur.

Dixi: super dicenda veritate; nam depositio super credulitate, seu, quâ testis dicit, se credere articulata esse vera, regulariter non probat, etiam si diceret, se certò id credere, nisi rationem suâ credulitatis assignet ex his, quæ sensu corporis percepit, ut dicitur in c. 13. de præsumpt. Cùm enim Titius cum Caja per verba de præsenti contraxisset, neptis sponsæ profiliit ad matrimonium accusandum, dicens, se à Titio antea carnaliter cognitam esse; testes quoque à muliere producti dicebant, se pro certo habere, quòd neptis illa fuerit concubina Titii, ejusque rei indicia afferebant, quòd sâpe illos visiderint per prata, & nemora, vias & in via simul vagantes, & super hoc viciniæ quoque se testimonium recepisse. Verum quia Judex non sufficienter probatum esse existimavit, ad majorem certitudinem juveni & nepti

sponsæ juramentum detulit, qui seorsim confessi sunt, carnalem copulam inter ipsos intercessisse, licet interim juvenis nollet à sua sponsa separari. Hoc intellecto elemens III. respondit, fore consultius, si matrimonialiter non conjugantur, sed sponsalibus solitis separentur, præsertim cùm res occulta non sit, sed à pluribus, ut manifesta, prædicetur. Ex hac enim resolutione Pontificia constat, solam depositionem de credulitate, non adjutam aliis, ex quibus prudenter suaderi possit veritas, non probare. Excipiuntur tamen i. ii, qui deponunt in aliqua causa ex peritia artis, cujusmodi sunt Medici, Chyrgi, Obstetrices, &c. Si depontur de credulitate in causa, quæ ex natura rei talia sunt, ut moraliter certò sciri non possint, v. g. an Titius sit verè pater hujus prolis? vel an hac aut illâ intentione, vel animo factum sit opus, de quo constat, &c. & ex his colliges, cur supra dixerim, depositionem de credulitate regulariter non probare.

§. 3.

An, & qualiter testis, ad hoc, ut probet reddere tenetur rationem sua scientie?

^{1613.} DE hoc casu agitur c. cùm causam, 37. b. t. ubi in causa, quæ versabatur inter Archiepiscopum Ravennat. & Communitem Faventinam, de producendis testibus coram Judice delegato, ita statuit Pontifex: quia utriusque parti nimis existeret onerosum, ut testes producerent coram nobis: mandamus, quatenus recipias testes, quos utraque pars, tam super principali negotio, quam in personas testium duxerit producendos: ac eos diligenter examinare procures: & de singulis circumstantiis prudenter inquirens, de causis videlicet, personis, loco, tempore, visu, auditu, scientia, credulitate, fama, & certitudine cuncta plenè conscribas. Ex hoc enim deducitur, non esse statim fidem habendam depositionibus Testium, sed diligenter examinandos, in primis de negotio rei gestæ, an sciant negotium gestum; & causam sciendi reddant, unde sciant, quo sensu?

Fff 3

an

an visu, an auditu rem sic esse deprehenderint, si sensu percipi potest; si non, qualiter fieret in quæstione, *an Titius sit dominus hujus rei?* unde ad hoc affirmandum moveantur? an, quia viderunt, & legerunt testamentum, in quo ea res ipsi legata sit? &c, quibus positis:

1614.

Quæres 1. An, ubi Testis deponit de facto aliquo sensu perceptibili, visu v.g. (ut si testaretur, *Cajum sepius talem domum frequentasse*) debeat in specie certum sensum exprimere v.g. *se vidisse*; vel sufficiat allegare aliud, ex quo prudenter præsumi posset de tali sensu? ut si affirmaret, & causam sciendi redderet: *quia sum vicinus tali domui*; sufficere aliquando censet Haunoldus tom. 5. de jure, & just. tr. 4. n. 287. ex mente Baldi, & Felini in cit. c. cum causam, n. 5.

1615.

Quæres 2. An testis non interrogatus teneatur nihilominus reddere rationem dicti sui? videtur dicendum negativè, cum in textu (ibi: *prudenter inquirens de causis*) fiat sermo solum, cum sit inquisitio de causis; hinc aliqui tenent, sufficere depositionem testis, etiam si Judex non interrogasset eum de causa sciendi, si pars adversa acquiescat; secus, si petat à Judice, ut testis causam suæ depositionis alleget. Et ideo docet Haunoldus cit. n. 289. quod licet *expressio cause* non sit regulariter de substantia probationis, quando præsumi potest, quod testis, si fuisse interrogatus, causam quoque idoneam allegasset, operatur tamen hunc notabilem effectum, ut cæteris paribus testes *exprimentes causam*, ex communione Doctorum præferendi sint testibus *causam non exprimentibus*.

1616.

Verum, et si hoc in casibus, qui non sunt magni præjudicii, permitti possit; sunt tamen plures casus, in quibus testis, si non reddet rationem sui dicti, non solum non probat; sed nec præsumptionem faciat, aut indicium, ut notat Barbosa in cit. c. cum causam, n. 6. ex Mascaldo, de probat. conclus. 1369. n. 54. quia revera quandoque ex causis per testes allatis Judex ipse deprehendere poterit, ipsos non esse contestes, sed varios; & ad deponendum motos

ex causis, quæ vel inefficaces sunt, vel potius affectum, quam firmitatem depositionis prodant. Ejusmodi 30. causas enumerat Barbosa cit. à n. 6. ex quibus potiores referam.

Primus est, in criminalibus; sic Farinacius in *Praxi crimin.* p. 2. de *oppositione contra examen testimoniū*, q. 70. n. 15. secundus in his, quæ judicio intellectus, non sensu percipiuntur; sic Mascaldo. cit. n. 2. tertius, ubi deponunt de fama; tunc enim de illius origine interrogandi sunt, ne procedatur ex fama à malevolis, aut vanis rumoribus orta; item cum deponunt de reprobatione instrumenti, personarum qualitate, dominio, dolo, sanâ mente Testatoris v. g. adulterio, morte alterius, inimicitia, prodigalitate, valore, pretio, vel estimatione rei, alicujus Clericatu, confuetudine, &c.

Quæres 3. An aliquid proberet depositio testis, qui dicit, se rem, quam dicit, audivisse ab alio? de hoc agitur in c. Licet, 47. b. t. cuius occasio fuit, quod olim consanguinitas & affinitas usque ad gradum 7. matrimonio impedimentum præstabat; & quia propter brevem hominis vitam testes de visu haberi non possent, necessarium erat in causis hujusmodi matrimonialibus etiam testes de auditu admitti, ut vide 1617. re est in c. de parentela, 5. causâ 35. q. 6. quia verò experientiâ compertum erat, multa exinde legitima matrimonia in periculum dissolutionis venisse, & utrumque illud impedimentum jam restrictum fuerat ad 4. gradum, Innocentius III. in Concilio Lateranensi statuit, ne super hoc recipiantur de cætero testes de auditu, cum jam quartum gradum prohibitio non excedat, nisi forte personæ graves extiterint, quibus fides merito sit adhibenda, & ante litem motam testificata didicerint ab antiquioribus quidem suis, non utique ab uno: cum non sufficeret ille, si viveret; sed duobus minus: nec ab infantibus & suspectis, sed à fide dignis, & omni exceptione majoribus: cum fatis videretur absurdum illos admitti, quorum repellerentur auctores.

Et

Et mox subjungit: *nec tamen, si unus à pluribus, vel infantes ab hominibus bona famæ acceperunt, quod testantur, tanquam plures idonei testes debent admitti;* cùm secundum ordinem solitum judiciorum, non sufficiat unius testis assertio, etiam si præsidiali refulgeat dignitate, & actus legitimi sint infamibus interdicti. Testes autem hujusmodi proprio juramento firman tes, quòd ad ferendum testimonium in causa ipsa, odio, amore, timore, vel commode non procedant, personas expressis nominibus, vel demonstratione, vel circumlocutione sufficienti designent, & ab utroq; latere singulos gradus clarâ computatione distinguant: & in suo nihilominus juramento concludant, se accepisse à suis majoribus, quod deponunt, & credere, ita esse. Sed nec tales sufficient, nisi jurati deponant, se vidisse personas, vel in uno prædictorum graduum constitutas, pro consanguineis se habere. *Tolerabilius est enim, aliquos, contra statuta hominum, dimittere copulatos; quam conjunctos legitimè, contra statuta Domini separare.*

1618. Ex hoc textu deducitur. 1. Testes quidem de auditu recipi, in factis antiquis, quæ scilicet ante centum annorum tempus contigerunt, ut colligitur ex cit. c. 27. cùm vix aliter, propter brevem hominis vitam, scrii possint; in materia tamen impedimenti, matrimonii dissolvendi propter consanguinitatem, vel affinitatem, de qua deponunt testes de auditu, eos nunc non recipi per cit. c. *Licet;* nisi fama, & alia adminicula concurrant; talis autem testis deponere debet, quod audiverit ante litem contestatam; alias enim si post, non censetur idoneus propter suspicionem, quòd occasione litis motæ, ac in judicium deductæ, in rumore sparsò auditum firmet.

1619. Deducitur 2. depositiones testium, etiam plurium, ex auditu, non facere majorem fidem, quam is, ex quo audiverunt, si omnes deponant, se audivisse ex eodem, qui de alterius facto testatur; aliud foret in questione, *an Titius hoc dixerit?* nam si plures super hoc deponerent, sufficenter probarent, *hoc esse dictum à Titio;* si autem

questio v. g. foret, *an Berta Cajo matrimonium promiserit?* & Sempronius coram decem aliis affirmaret, dicens, quòd promiserit; decem illi testes, qui deponerent, se hoc audivisse ex ore Sempronii, plus non probarent, quam depositio Sempronii; cùm procedant ex eodem fonte, ac fundamento asserendi, Unde si Authori fides non darur, nec eis datur, qui ab ipso deposuerunt.

§. 4.

Qualiter probent depositiones Testium singularium?

1620.

1621. Suppon. ex dict. n. 1529. & 1621. testes dici singulares, quando deponunt super diversis factis, ita quòd quilibet sit singularis pro dicto suo, & tunc intelligatur esse singularis, quando quilibet sigillatim testificatur aliquid, quod non colligitur probabiliter esse illud, quod alias testificatur. Contrarià verò ratione dicuntur contestes, quando deponunt de facto eodem, quod sic esse, probabiliter colligitur ex circumstantiis.

Suppon. 2. *singularitatem testium* aliam esse *adversativam*, videlicet si dicta eorum inter se repugnant; aliam *diversificativam*, si testes deponant de actibus non contrariis, sed diversis se mutuo non adjuvantibus, cuius exemplum habetur in c. cùm tu, 16. b. t. aliam deniq; *adminicularem*, si testes deponant de actibus diversis, sed mutuo se adjuvantibus ad probandum id, quod queritur.

Suppon. 3. aliquos actus esse, qui natura suâ sunt successivi, ac iterables & veluti permanentes, cuiusmodi est possessio rei, familiaris consuetudo cum tali persona, exercitium jurisdictionis, servitutis, continuatio famæ, vel communis existimationis, &c. alios continuationem non habentes, sed brevi tempore transeuntes, ut sunt homicidium, contumelia, &c.

1621.

Suppon. 4. dupliciter fieri posse, quòd testes sint singulares, & deponant de diversis actibus, sed mutuo se adjuvantibus; 1. si deponant in materia successiva, & iterabilis de diversis (v. g. factis diverso tempore) sed tendentibus ad eundem finem; ut si quæ-